

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Vita Christi - Cod. Donaueschingen 436

Michael <de Massa>

Oberrheinischer Sprachraum (im Übergangsbereich zum Schwäbischen?), [Mitte des 15. Jahrhundert]

Salbung Jesu durch eine Sündige

[urn:nbn:de:bsz:31-93623](https://nbn-resolving.org/urn:nbn:de:bsz:31-93623)

sich nider setzet vnd isset mit den sündern
als hebluch vnd redet mit ihnen also bekent-
lichen vnd sine jongern als ob su sine jonger
vnd apostel sient. Wor vmb tut er das wer-
lich mit vmb ir spise willen vnd vmb das das
er ir sele gesond machte vnd die zuec sine
zuege. Do er nu von ihericho wider gieng do
machte er zwene blinden gesehen die im an-
rufften.:

Vie betrachte wie magdalena salbete die fusse
ihesu vnserm hren do er sizet vnd isset in symons
huse zu betanigen.:



Wor dem oster-
tage sechs tage
an dem samsti-
ge vor palmen
do kam ihesus
vnser heere wi-
der zu betani-
gen das ist ge-
legen zwu mile
von iherusalem
vnd symon ge-
nant leprosus

der vsserzug was gewesen vnd was wider
gesond gemachet von ihesu vnserm heeren als

Wirtred Notre julianus. pndora pns nra. iud. su

men sagt / der lüt ihesu vnd sine longern ze huf
vnd machte ime em grosz obent essen vnd dar
kam matheus vnd andreas vnd vil offenbarer
sünder die ze sainen komen zu dem hailigen
tage vnd ouch mit alleine vmb ihesus willen
sonder das si lazaru sehen mochten den ihesus
vff erwecket hette von dem tode. **V**an lazaru der
was einer von den die mit ihesu sassen vnd
mit sinen longern essen vnd die farisei hette
vff gesetzt das si lasaru ermorden wolten.
Lazarus erzalte offentlich allen den die im fro
geten als sanctus augustinus spricht. Die stette
der pinen vnd die wonüge der hailigen in merk
lichen wortten tett er das ze wissent vnd also
würden die nidersten bösen geiste gemeldet
die lange zit verborzen waren gewesen. **D**o
ihesus vnser herre vber dem essen sasz vnd mar
tha dienete ime vnd den andn vber dem tische
do kam magdalena an ihesu vnd offnete das
alabaster das ist stem von eime sonderlichen
künne mermels steine das was vol kostlich
salben vnd die goß si vff sin haupt vnd ouch
so salbte si sine füsse vnd wusch si vnd truck
nete si mit irem hare als ouch hie vor erzalt
ist vnd das hette si vor eins geton in dem sel
ben huse do si sich zum ersten bekehrte von iren
sünden. **W**en si hette im vbermossen lieb. vnd

dar vmb so erkonde si mit satt werden im zu
dienende. Dar vmb in ein gedechtnisse des ge
schichtes so sol der bäbest armen lüten ir füsse
wischen. Wen die armen sint die füsse gottes
die nach gent vff ertrich wie wol er selbe wo
net in dem hymel. vnd dar vmb das der bopst
in dem tage sol vnmüsig sin in dem füsse wische
der armen lüte vnd dar zu almusen geben
So ensüchet er keine kirchen do er processen
vnd messe tū als er sol tū in den andern tage
die fasten vber. **H**ie mozmelte Judas schar
oth vff magdalenen recht als das alabaster
mit der salben ze schanden weze gangen das
si vff ihesu hette gossen das man möchte han
verkoufft / vnd so hette er etwas gestolen
von dem gelt vff das er sine wibe vnd kintzen
dar von ze geben hette. Wen er was ein diep /
Bisonder ihesus verantwurtte marien vnd
von dem tage bleip Judas in dem zorne vnd nam
eine sache von dem geschichte vnd gieng des
negsten mitwochen darnoch zu den farisern
vnd verkouffte im ihesu vmb drissig pfenige
Vil liebes mensche hie soltu ihesu vnsern hren
mercken wie demütlichen vnd wie gütligh
en er sizet in symons huse vber dem essen mit
sinen iongern vnd frunden vnd mag gescheen
mit symons frunden die er geladen hette ihs

zu eren. vnd wie wol er do bleip in dem huse
 etliche tage Je doch so was er vff das meiste die
 tage vor sine liden in lasarus vnd marthen hu
 se wan das was sine herberge vnd zu etlicher
 zit sheff er do mit sinen jongern vnd do was
 maria sine müter mit iren swestern der su al
 len also lieblich warttet vnd sonderlich maria
 magdalena die was alle zit mit ir vnd wart
 tete vff su vnd wolte in keiner wise von ir gon
Wartte lieber mensche vff die betrüpte müter
 ihesu vnser heeren. Lüg wie su alles by ihesus
 irem herzlieben son ist vnd kan mit von im we
 sen. Wan ir myneklich müterlich herze ist vol
 Jomers vnd grosses herzliches lidens von dem
 wortte das ir herzliebes kint ihesus hette ge
 sprochen do er verantwurtete marien magda
 lenen entge gen Judas do su die salbe vff im
 gos; do sprach er also. In dem das su die salbe
 hett gegossen vff min houpt zu begraben mich
 hatt su das geton/wie/was das wort mit ein
 swert so mit alleine in das herze sonder ouch
 durch das müterliche herze marien gestochen
 was möchte er klerlicher han gesprochen von
 sine tode. Owe lüg die andern frowen vnd die
 jongern wie su alle vberflüssig vol betrüpnisse
 stont vnd erschreckent vnd klagent ir liden
 vnder ein ander **A**chy so los; dich duren der armē

Kinder gang mit yn vnd hilff yn tragen ir
betrupnisse werlich su liden großlich an irem
herzen. .:

Die betrachte vil lieber mensche wie ihesus
zu iherusalem in reit vff dem esel. .:



Do die zit
verzont an
stände was
das ihesus
vnsere herre
den menschen
erlösen wolt
mit dem li
den sins selbs
libe vnd das
alle ding er
füllt wur
den die von
Ime geschri

ben wurden vnd bezeichnet wäzen. **W**en er
nu manigwerbe sich verborgen hette vor den
fariseyn die yn suchten **I**e doch so wolte er sich
yn willklichen oppfern nu sin zit kōmen was
die er wol wissete. **D**ar vmb so was er kōmen
zu betanigen als vor gesagt ist vnd wartete
do etliche zit. **A**lso gefiel es das der sonnētag